



02234

春秋穀梁傳

晉 范 甯

集 解

亞東

國朝世 亦詳圖

明 閔 齊 伋 裁 注

成公

元年春王正月公即位

二月辛酉葬我君宣公

無冰傳終時無冰則志此未終時而言無冰

何也終無冰矣加之寒之辭也

春秋

穀梁傳

成公

一

稽古樓

周二月夏之十二月也此月既是常寒之

月於寒之中又如加甚常年過此無冰終

無復冰矣

三月作邱甲傳作為也邱為甲也邱甲國之

事也邱作甲非正也邱作甲之為非正何也

古者立國家百官具農工皆有職以事上古

者有四民有士民有商民有農民有工民夫

甲非人人之所能為也邱作甲非正也

周禮九夫爲井四井爲邑四邑爲邱甲鎧也  
也使一邱之民皆作甲也

夏滅孫許及普侯盟于赤棘

秋王師敗績于貿戎傳不言戰莫之敢敵也

爲尊者諱敵不諱敗爲親者諱敗不諱敵尊

尊親親之義也然則孰敗之晉也傳左作茅

諱敵使莫二也不諱敗容有過否諱敗惜

其毀折也不諱敵諸侯有列國

春秋穀梁成公二稽古樓

冬十月傳季孫行父禿晉郤克眇衛孫良夫

跛曹公子手僂同時而聘於齊齊使禿者御

禿者使眇者御眇者使跛者御跛者使僂者

御僂者蕭同姪子處臺上而笑之聞於客客

不說而去相與立脊閭而語移日不解齊人

有知之者曰齊之患必自此始矣

御迎也蕭國也同姓也姪子字也其母更

嫁齊惠公生頃公宣十二年楚人滅蕭故

隨其母在齊胥闔門名

二年春齊侯伐我北鄙

夏四月丙戌衛孫良夫帥師及齊師戰于新築衛師敗績

六月癸酉季孫行父臧孫許叔孫僑如公孫嬰齊帥師會晉郤克衛孫良夫曹公子手及齊侯戰于鞏齊師敗績續其日或曰日其戰也或曰日其悉也曹無大夫其曰公子何也

春秋

穀梁傳

成公

三

稽古樓

以吾之四大夫在焉舉其貴者也

手左氏作首

悉謂魯大夫悉在戰也舉其貴言不欲令

內眾大夫與外卑者共行戰

秋七月齊侯使國佐如師已酉及國佐盟于

爰書

去國

五百里爰書去國五十里一

戰繇地五百里焚雍門之茨侵車東至海君

子聞之曰夫甚甚之辭焉齊有以取之也齊

之有以取之何也敗衛師于新築侵我北鄙

敖郤獻子齊有以取之也爰婁在師之外郤  
克曰反魯衛之侵地以紀侯之獻來以蕭同  
姪子之母爲質使耕者皆東其畝然後與子  
盟國佐曰反魯衛之侵地以紀侯之獻來則  
諾以蕭同姪子之母爲質則是齊侯之母也  
齊侯之母猶晉君之母也晉君之母猶齊侯  
之母也使耕者盡東其畝則是終土齊也不  
可請一戰一戰不克請再再不克請三三不  
克請四四不克請五五不克舉國而授於是  
而與之盟

春秋

穀梁傳

成公

四

稽古樓

去國去齊國也雍門齊城門茨蓋也侵車  
侵伐之車也爰婁在師之外言師已逼其  
國矣獻玉餽東其畝欲以利其戎車侵伐  
易也終土齊也者謂利其戎車侵伐易則  
是以齊爲土矣

八月壬午樂公鮑卒

庚寅衛侯速卒

取汶陽田

冬楚師鄭師侵衛

十有一月公會楚公子嬰齊于蜀傳楚無大夫其曰公子何也嬰齊充也

丙申公及楚人秦人宋人陳人衛人鄭人齊人曹人邾人薛人繒人盟于蜀傳楚其稱人何也於是而後公得其所也會與盟同月則

春秋穀梁

成公

五

稽古樓

地會不地盟不同月則地會地盟此其地會地盟何也以公得其所申其事也今之屈向之驕也

于會書公子以顯其亢于盟稱人以表服罪申其事謂地會地盟也

三年春王正月公會晉侯宋公衛侯曹伯伐

鄭

辛亥葬衛穆公

二月公至自伐鄭

甲子新宮災三日哭傳新宮者廟宮也三日

哭哀也其哀禮也追近不敢稱諡恭也其辭

恭且哀以成公爲無譏矣

乙亥葬宋文公

夏公如晉

鄭公子去疾帥師伐許

公至自晉

春秋穀梁成公

秋叔孫僑如帥師圍棘

大雩

晉郤克衛孫良夫伐牆咎如牆左作厥公作將

冬十有一月晉侯使荀庚來聘衛侯使孫良

夫來聘

丙午及荀庚盟丁未及孫良夫盟傳其日公

也來聘而求盟不言及者以國與之也不言

其人亦以國與之也不言求兩欲之也

不言及謂凡書來盟者若宣七年衛孫良夫來盟是也以國與之謂舉國爲主故直書外來爾此先聘而後盟故不言來盟總言及而不復著其人亦是舉國之辭

鄭伐許

四年春宋公使華元來聘

三月壬申鄭伯堅卒

杞伯來朝

春秋

穀梁傳

成公

七

稽古樓

夏四月甲寅臧孫許卒

公如晉

葬鄭襄公

秋公至自晉

冬城郟

鄭伯伐許

五年春王正月杞叔姬來歸歸婦人之義嫁

曰歸反曰來歸



仲孫蔑如宋

夏叔孫僑如會晉荀首于穀

首公作秀

梁山崩傳不日何也高者有崩道也有崩道

則何以書也曰梁山崩壅遏河三日不流晉

君召伯尊而問焉伯尊來遇輦者輦者不辟

使車右下而鞭之輦者曰所以鞭我者其取

道遠矣伯尊下車而問焉曰子有聞乎對曰

梁山崩壅遏河三日不流伯尊曰君爲此召

春秋穀梁成公

八

稽古樓

我也爲之奈何輦者曰天有山天崩之天有

河天壅之雖召伯尊如之何伯尊由忠問焉

輦者曰君親素縞帥羣臣而哭之旣而祠焉

斯流矣伯尊至君問之曰梁山崩壅遏河三

日不流爲之奈何伯尊曰君親素縞帥羣臣

而哭之旣而祠焉斯流矣孔子聞之曰伯尊

其無績乎攘善也

伯尊左氏作伯宗

不日何也者據僖十四年秋八月辛卯沙

鹿崩也彼無崩道而崩故謹而書日所以  
鞭我者其取道遠謂所用鞭我之閒行道  
則可遠矣伯尊以其言有理化非庸人故  
下車問之由忠問用忠誠之心問之也山  
崩川塞示哀窮所以凶服績功也攘盜也  
取輦者之言而行之非已之功也

秋大水

冬十有一月己酉天王崩

春秋

穀梁

成公

九

稽古樓

十有二月己丑公會晉侯齊侯宋公衛侯鄭  
伯曹伯邾子杞伯同盟于蟲牢

六年春王正月公至自會

二月辛巳立武宮魯立者不宜立也

取鄆魯鄆國也

衛孫良夫帥師侵宋

夏六月邾子來朝

公孫嬰齊如晉

壬申鄭伯費卒

秋仲孫蔑叔孫僑如帥師侵宋

楚公子嬰齊帥師伐鄭

冬季孫行父如晉

晉欒書帥師救鄭救公作侵

七年春王正月鼫鼠食郊牛角改卜牛鼫鼠

又食其角乃免牛書不言曰急辭也過有司

也郊牛曰展解角而知傷展道盡矣其所以

春秋穀梁傳成公十稽古樓

備災之道不盡也改卜牛鼫鼠又食其角又

有繼之辭也其緩辭也曰亡乎人矣非人之

所能也所以免有司之過也乃免牛乃者亡

乎人之辭也免牲者為之緇衣纁裳有司元

端奉送至于南郊免牛亦然免牲不曰不郊

免牛亦然

急辭者辭中促急不容日也解球球然角

貌有司展察牛而即知傷是展察之道盡

不能防災禦患致使牛傷故不書日以顯  
有司之過也至復食乃知國無賢君天災  
之爾非有司之過故言其以救之

吳伐鄭

夏五月曹伯來朝

不郊猶三望

秋楚公子嬰齊帥師伐鄭公會晉侯齊侯宋

公衛侯曹伯莒子邾子杞伯救鄭八月戊辰

春秋

穀梁傳

成公

十一

稽古樓

同盟于馬陵公至自會

吳入州來

冬大雩雩不月而時非之也冬無爲雩也

衛孫林父出奔晉

八年春晉侯使韓穿來言汶陽之田歸之于

齊雩于齊緩辭也不使盡我也

若曰爲之請歸不使晉制命于我

晉欒書帥師侵蔡

公孫嬰齊如莒

宋公使華元來聘

夏宋公使公孫壽來納幣

晉殺其大夫趙同趙括

秋七月天子使召伯來錫公命禮有受命

無來錫命錫命非正也曰天子何也曰見一

稱也錫左作賜

天王天子王者通稱未有言天子者今言

春秋穀梁成公

十三

稽古樓

天子是更見一稱

冬十月癸卯杞叔姬卒

晉侯使士燮來聘

叔孫僑如會晉士燮齊人邾人伐邾

衛人來賂魯勝淺事也不志此其志何也以

伯姬之不得其所故盡其事也

不得其所謂災死江熙曰宋共失德傷伯

姬賢而嫁不得其所

九年春王正月杞伯來逆叔姬之喪以歸  
傳曰夫無逆出妻之喪而爲之也

言不合爲而爲之

公會晉侯齊侯宋公衛侯鄭伯曹伯莒子杞  
伯同盟于蒲公至自會

二月伯姬歸于宋

夏季孫行父如宋致女傳致者不致者也婦

人在家制於父既嫁制於夫如宋致女是以

春秋

穀梁傳

成公

十三

稽古樓

我盡之也不正故不與內稱也逆者微故致  
女詳其事賢伯姬也

致女致敕戒之言於女也以我盡之者已

嫁而猶以父制盡之也內稱謂稱使

晉人來媵傳媵淺事也不志此其志何也以

伯姬之不得其所故盡其事也

秋七月丙子齊侯無野卒

晉人執鄭伯晉欒書帥師伐鄭傳不言戰以

鄭伯也為尊者諱恥為賢者諱過為親者諱疾

變書以鄭伯伐鄭君臣無戰道故不言戰為尊者諱恥王師敗績于貿戎是也為賢者諱過為齊桓諱滅項是也為親者諱疾此不言戰是也鄭兄弟之國故謂之親君臣交兵病莫大焉故為之諱

冬十有一月葬齊頃公

春秋

穀梁傳

成公

十四

稽古樓

楚公子嬰齊帥師伐莒庚申莒潰傳其日莒雖夷狄猶中國也大夫潰莒而之楚是以知其上為事也惡之故謹而日之也

上為事謂臣以叛君為事明君臣無道也潰例月甚之故日

楚人入郟

秦人白狄伐晉

鄭人圍許

城中城魯城中城者非外民也

中城者郭之內而宮之外也

十年春衛侯之弟黑背帥師侵鄭

夏四月五卜郊不從乃不郊傳夏四月不時

也五卜強也乃者亡乎人之辭也

五月公會晉侯齊侯宋公衛侯曹伯伐鄭

齊人來媵

丙午晉侯孺卒

春秋穀梁成公

秋七月公如晉

冬十月

十有一年春王三月公至自晉

晉侯使郤犨來聘己丑及郤犨盟犨公作州

夏季孫行父如晉

秋叔孫僑如齊

冬十月

十有二年春周公出奔晉傳周有入無出其



曰出上下一見之也言其上下之道無以存也上雖失之下孰敢有之今上下皆失之矣

上謂僖二十四年天王出居于鄭下謂今

周公出奔上下皆一見之上雖有不君之

失臣下莫敢效不臣之過今復云周公之

出則上下皆有失矣

夏公會晉侯衛侯于瑣澤

瑣公作沙

秋晉人敗狄于交剛中國與夷狄不言戰

春秋穀梁成公

十六

稽古樓

皆曰敗之夷狄不曰

冬十月

十有三年春晉侯使卻錡來乞師乞重辭

也古之人重師故以乞言之也

三月公如京師公如京師不月月非如也

非如而曰如不叛京師也

時實會晉伐秦因其過朝故正其文若使

本自生

夏五月公自京師遂會晉侯宋公衛侯鄭伯  
曹伯邾人滕人伐秦傳言受命不敢叛周也

使若王命已伐秦也叛周謂專征伐

曹伯廬卒于師傳傳曰閔之也公大夫在師

曰師在會曰會盧上作

秋七月公至自伐蔡

冬葬曹宣公傳葬時正也

十有四年春王正月莒子朱卒

春秋穀梁成公

十七 稽古樓

夏衛孫林父自晉歸于衛

秋叔孫僑如如齊逆女

鄭公子喜帥師伐許

九月僑如以夫人婦姜氏至自齊傳大夫不

以夫人以夫人非正也刺不親迎也僑如之

挈由上致之也

冬十月庚寅衛侯臧卒

秦伯卒

十有五年春王正月葬衛定公

三月乙巳仲嬰齊卒傳此公孫也其曰仲何也子由父疏之也

此蓋仲遂之子父有弑君之罪故不得言

公子父不言公子則子不得稱公孫是見

疏之罪由父故

癸丑公會晉侯衛侯鄭伯曹伯宋世子成齊

國佐邾人同盟于戚晉侯執曹伯歸于京師

春秋

穀梁

成公

十八

稽古樓

傳以晉侯而斥執曹伯惡晉侯也不言之急

辭也斷在晉侯也

成公羊作成歸之下公羊有之字

以侯執伯執之不以其罪也斷在晉侯明

晉之私也

公至自會

夏六月宋公固卒

楚子伐鄭

秋八月庚辰葬宋共公傳月卒日葬非葬者

也此其言葬何也以其葬共姬不可不葬共  
公也葬共姬則其不可不葬共公何也夫人  
之義不踰君也爲賢者崇也

共公正立卒當書曰葬無甚危則當錄月  
今反常違例故知不葬者也然則共公之

不宜書葬昏亂故

宋華元出奔晉宋華元自晉歸于宋

宋殺其大夫山

春秋

穀梁

成公

十九

稽古樓

宋魚石出奔楚

冬十有一月叔孫僑如會晉士燮齊高無咎

宋華元衛孫林父鄭公子鱣邾人會吳子鍾

離會又會外之也

再書會者殊外夷狄

許遷于葉遷者猶得其國家以往者也其

地許復見也

十有六年春王正月雨木冰雨而木冰也

志異也傳曰根枝折

雨而木冰雨著木成冰也

夏四月辛未滕子卒

鄭公孫嘉帥師侵宋

六月丙寅朔日有食之

晉侯使欒黶來乞師

甲午晦晉侯及楚子鄭伯戰于鄢陵楚子鄭

師敗績傳曰事遇晦曰晦四體偏斷曰敗此

春秋穀梁傳成公

二十

稽古樓

其敗則曰也楚不言師君重於師也

楚殺其大夫公子側

秋公會晉侯齊侯衛侯宋華元邾人于沙隨

不見公傳不見公者可以見公也可以見公

而不見公譏在諸侯也

公至白會

公會尹子晉侯齊國佐邾人伐鄭

曹伯歸自京師傳不言所歸歸之善者也出

入不名以爲不失其國也歸爲善自某歸次之

歸爲善謂直言歸而不言其國此曹伯歸

自京師不言于曹是也自某歸若蔡季自

陳歸于蔡

九月晉人執季孫行父舍之于茗邱傳執者

不舎而舍公所也執者致而不致公在也何

其執而辭也猶存公也存意公亦存也公存

春秋穀梁

成公

注

稽古樓

也菖公

作招

公所也者以公在茗邱故也公在茗邱而

言舎者明不得致也若旣不致復不言舎

則無以見其舎矣公在在茗邱也見舎于

茗邱還國則與公俱不得致者重在公也

何其執而辭也問何故書執季孫行父而

言舎之復不致之爲辭邪猶存公也者時

行父雖爲晉所執猶欲存公之所在故不

致行父又言舍之皆所以見公在茗邱也  
存意公亦存也者問存舍之不致之意便  
可知公所在乎公存也答上問意但存此  
二亭卽知公在茗邱矣

冬十月乙亥叔孫僑如出奔齊

十有二月乙丑季孫行父及晉卻犖盟于扈  
公至自會

乙酉刺公子偃傳大夫曰卒正也先刺後名

春秋穀梁成公

五 稽古樓

殺無罪也

十有七年春衛北宮括帥師侵鄭括公羊

夏公會尹子單子晉侯齊侯宋公衛侯曹伯

邾人伐鄭

六月乙亥同盟于柯陵傳柯陵之盟謀復伐

鄭也

秋公至自會傳不曰至自伐鄭也公不周乎

伐鄭也何以知公之不周乎伐鄭以其以會

致也何以知其盟復伐鄭也以其後會之人  
盡盟者也不周乎伐鄭則何爲日也言公之  
不肯柯陵之盟也

周信也公逼諸侯爲此盟爾意不欲更伐  
鄭也後會謂冬公會單子也何爲日也據  
無伐鄭意而強盟盟不由忠不當日也不  
肯謂舍己從人遂伐鄭也

齊高無咎出奔莒

春秋

穀梁傳

成公

三

稽古樓

九月辛卯用郊傳夏之始可以承春以秋之  
未承春之始蓋不可矣九月用郊用者不宜  
用也宮室不設不可以祭衣服不修不可以  
祭車馬器械不備不可以祭有司一人不備  
其職不可以祭祭者薦其時也薦其敬也薦  
其美也非享味也

郊春事也四月不時今言可者方明秋未  
之不可故以是爲猶可也一事闕猶不可



祭何得九月用郊乎

晉侯使荀瑩來乞師

冬公會單子晉侯宋公衛侯曹伯齊人邾人

伐鄭言公不背柯陵之盟也

十有一月公至自伐鄭

壬申公孫嬰齊卒于貍蜃傳十一月無壬申

壬申乃十月也致公而後錄臣子之義也其

地未踰竟也屬左作脈  
公作軫

春秋穀梁  
傳成公

嬰齊實以十月壬申卒而公以十一月還

先致公而後錄其卒故壬申在十一月下

十有二月丁巳朔日有食之

邾子貜且卒

晉殺其大夫卻錡卻欒卻至傳自禍於是起

矣

厲公見殺之禍

楚人滅舒庸

十有八年春王正月晉殺其大夫胥童

庚申晉弑其君州蒲傳稱國以弑其君君惡

甚矣

齊殺其大夫國佐

公如晉

夏楚子鄭伯伐宋宋魚石復入于彭城

公至自晉

晉侯使士匄來聘

春秋

穀梁

成公

成公

孟

稽古樓

秋杞伯來朝

八月邾子來朝

築鹿園傳築不志此其志何也山林藪澤之

利所以與民共也虞之非正也

己丑公薨于路寢傳路寢正也男子不絕婦

人之手以齊終也

冬楚人鄭人侵宋

晉侯使士魴來乞師

魴公作彭

十有二月仲孫蔑會晉侯宋公衛侯邾子齊  
崔杼同盟于廬村

丁未葬我君成公

春秋

穀梁

成公

三

稽古樓

春秋穀梁傳成公終

春秋穀梁傳

晉 范甯集解

明 閔齊伋裁注

襄公

元年春王正月公即位傳繼正即位也

仲孫蔑會晉欒黶宋華元衛甯殖曹人莒人

邾人滕人薛人圍宋彭城傳繫彭城於宋者

不與魚石正也

春秋穀梁襄公

稽古樓

夏晉韓厥帥師伐鄭厥公

仲孫蔑會齊崔杼曹人邾人杞人次于郕郕公

合作

秋楚公子壬夫帥師侵宋

九月辛酉天王崩

邾子來朝

冬衛侯使公孫剽來聘

晉侯使荀盈來聘

二年春王正月葬簡王

鄭師伐宋

夏五月庚寅夫人姜氏薨

六月庚辰鄭伯輪卒

晉師宋師衛甯殖侵鄭鄭其曰衛甯殖如是而稱于前事也

初衛侯速卒鄭人侵之故舉甯殖之報明

稱于前事也不書晉宋之將以慢其代人

春秋

穀梁襄公

二

稽古樓

之喪

秋七月仲孫蔑會晉荀營宋華元衛孫林父

曹人邾人于戚

己丑葬我小君齊姜

叔孫豹如宋

冬仲孫蔑會晉荀營齊崔杼宋華元衛孫林

父曹人邾人滕人薛人小邾人于戚遂城虎

牢傳若言中國焉內鄭也

不繫虎牢于鄭者如中國之邑也中國猶

國中所以如國中之邑者鄭服罷故內之

楚殺其大夫公子申

三年春楚公子嬰齊帥師伐吳

公如晉

夏四月壬戌公及晉侯盟于長檮公至自晉

六月公會單子晉侯宋公衛侯鄭伯莒子邾

子齊世子光己未同盟于雞澤傳同者有同

春秋

穀梁襄公傳

三

稽古樓

也同外楚也

陳侯使袁僑如會傳如會外乎會也於會受

命也

解見僖二十八年

戊寅叔孫豹及諸侯之大夫及袁僑盟傳及

以及與之也諸侯以爲可與則與之不可與

則釋之諸侯盟又大夫相與私盟是大夫張

也故雞澤之會諸侯始失正矣大夫執國權

曰袁僑異之也

通言叔孫豹及諸侯之大夫則無以表袁僑之得禮故再言及明獨與袁僑不與諸侯之大夫異之異袁僑之得禮也

秋公至自晉

冬晉荀偃帥師伐許

四年春王三月己酉陳侯午卒

夏叔孫豹如晉

春秋

穀梁傳

襄公

四

稽古樓

秋七月戊子夫人姒氏薨

姒公作弋

葬陳成公

八月辛亥葬我小君定姒

冬公如晉

陳人圍頓

五年春公至自晉

夏鄭伯使公子發來聘

叔孫豹繪世子巫如晉

**傳**

外不言如而言如

爲我事往也

外相如不書爲魯事往故同內

仲孫蔑衛孫林父會吳于善稻傳吳謂善伊

謂稻緩號從中國名從主人稻左作道

善稻吳謂之伊緩地名及物類當從中國

言之故不言伊緩而言善稻人名當從本

俗言也

秋大雩

春秋穀梁襄公

五

稽古樓

楚殺其大夫公子壬夫

公會晉侯宋公陳侯衛侯鄭伯曹伯莒子邾

子滕子薛伯齊世子光吳人繒人子戚公至

白會

冬戍陳傳內辭也

不言諸侯魯戍之疏曰諸侯同戍也以救

陳具列諸侯故於此獨言魯戍

楚公子貞帥師伐陳公會晉侯宋公衛侯鄭



伯曹伯莒子邾子滕子薛伯齊世子光救陳  
十有二月公至自救陳傳善救陳也

辛未季孫行父卒

六年春王三月壬午杞伯姑容卒

夏宋華弱來奔

秋葬杞桓公

滕子來朝

莒人滅繒傳非滅也中國曰卑國月夷狄時

春秋

穀梁傳

襄公

六

稽古樓

繒中國也而時非滅也家有既亡國有既滅  
滅而不自知由別之而不別也莒人滅繒非  
滅也立異姓以蒞祭祀滅亡之道也

繒前夫人莒女生世子巫巫之母與魯襄

公之母姊妹也繒更娶後夫人于莒而無

子有女還嫁于莒爲夫人生公子但繒子

愛後之夫人故立其外孫莒之公子非其

族類神不歆其祀故言滅非滅非以兵滅

也既盡也家立異姓爲後則亡國立異姓  
爲嗣則滅

冬叔孫豹如邾

季孫宿如晉

十有二月齊侯滅萊

七年春邾子來朝

夏四月三卜郊不從乃免牲傳夏四月不時

也三卜禮也乃者亡乎人之辭也

春秋穀梁

襄公

七

稽古樓

小邾子來朝

城費

秋季孫宿如衛

八月螽

冬十月衛侯使孫林父來聘壬戌及孫林父

盟

楚公子貞帥師圍陳

十有二月公會晉侯宋公陳侯衛侯曹伯莒

子邾子于鄆鄭伯髡原如會未見諸侯丙戌卒于操傳未見諸侯其曰如會何也致其志也禮諸侯不生名此其生名何也卒之名也卒之名則何爲加之如會之上見以如會卒也其見以如會卒何也鄭伯將會中國其臣欲從楚不勝其臣弑而死其不言弑何也不使夷狄之民加乎中國之君也其地於外也其日未踰竟也日卒時葬正也鄆于委反作偶或作鴟

春秋

穀梁

襄公

八

稽古樓

原左作順  
操左作鄆

臣欲從楚是夷狄之民矣不使夷狄臣弑中國君故去弑言卒使若正卒葬

陳侯逃歸傳以其去諸侯故逃之也

八年春王正月公如晉

夏葬鄭僖公

鄭人侵蔡獲蔡公子濕傳人微者也侵淺事也而獲公子公子病矣濕左公作變

季孫宿會晉侯鄭伯齊人宋人衛人邾人于  
邢邱傳見魯之失正也公在而大夫會也

公在在晉也

公至自晉

莒人伐我東鄙

秋九月大雩

冬楚公子貞帥師伐鄭

晉侯使士匄來聘

春秋

穀梁襄公傳

九

稽古樓

九年春宋災傳外災不志此其志何也故宋

也災公作火

故猶先也孔子之先宋人

夏季孫宿如晉

五月辛酉夫人姜氏薨

秋八月癸未葬我小君穆姜

冬公會晉侯宋公衛侯曹伯莒子邾子滕子

薛伯小邾子齊世子光伐鄭十有二月己亥

同盟于戲傳不異言鄭善得鄭也不致恥不能據鄭也

同盟于戲鄭在可知矣戲盟還而楚伐鄭故恥不能終有鄭

### 楚子伐鄭

十年春公會晉侯宋公衛侯曹伯莒子邾子滕子薛伯杞伯小邾子齊世子光會吳于柎

傳會又會外之也

### 春秋

穀梁襄公傳

十稽古樓

夏五月甲午遂滅傅陽傳遂直遂也其曰遂

何不以中國從夷狄也

傳左公作偏

時實吳會諸侯滅傅陽恥以中國之君從夷狄之主故加甲午使若改日諸侯自滅

傅陽耳

公至自會傳會夷狄不致惡事不致此其致

何也存中國也中國有善事則并焉無善事

則異之存之也汲鄭伯逃歸陳侯致祖之會

存中國也

滅中國自諸侯之一皆爾從夷狄而滅人  
則中國不復存矣故書公至以存之有善  
則并如僖四年侵蔡蔡潰遂伐楚是并焉  
也異之謂此會與遂若異人也汲猶引也  
鄭伯鬯原為臣所弒而不書弒此引而致  
於善事也

楚公子貞鄭公孫輒帥師伐宋

春秋

穀梁襄公傳

十一

稽古樓

晉師伐秦

秋莒人伐我東鄙

公會普侯宋公衛侯曹伯莒子邾子齊世子  
光滕子薛伯杞伯小邾子伐鄭

冬盜殺鄭公子斐公子發公孫輒傳稱盜以

殺大夫弗以上下道惡上也斐左公作駢

以上下道當言鄭人殺其大夫惡上者惡

鄭伯不能修政刑致盜殺大夫也

成鄭虎牢傳其曰鄭虎牢決鄭乎虎牢也

繫之於鄭決絕而棄外之

楚公子貞帥師救鄭

公至自伐鄭

十有一年春王正月作三軍傳作為也古者

天子六師諸侯一軍作三軍非正也

大國三軍次國二軍小國一軍魯有二軍

今增置中軍爾

春秋

穀梁

襄公

十一

稽古樓

夏四月四卜郊不從乃不郊傳夏四月不時

也四卜非禮也

鄭公孫舍之帥師侵宋

公會晉侯宋公衛侯曹伯齊世子光莒子邾

子滕子薛伯杞伯小邾子伐鄭

秋七月己未同盟于京城北公至自伐鄭傳

不以盟致盟後復伐鄭也

京左公作亳

盟後重更伐鄭故以伐致

楚子鄭伯伐宋

公會晉侯宋公衛侯曹伯齊世子光莒子邾子滕子薛伯杞伯小邾子伐鄭會于蕭魚公至自會傳伐而後會不以伐鄭致得鄭伯之辭也

喜鄭與會故

楚人執鄭行人良霄傳行人者挈國之辭也

挈猶傳也行人傳國使會命故云挈國之

春秋

穀梁襄公傳

十三

稽古樓

辭

冬秦人伐晉

十有二年春王三月莒人伐我東鄙圍郟傳伐國不言圍邑舉重也取邑不書圍安足書

也

郟左公作台

舉重可以包輕也不足書而今書蓋為下

事起

季孫宿帥師救郟遂入郟傳遂繼事也受命



而救郟不受命而入鄆惡季孫宿也

夏晉侯使士魴來聘

秋九月吳子乘卒

冬楚公子貞帥師侵宋

公如晉

十有三年春公至自晉

夏取郟公作詩

秋九月庚辰楚子審卒

春秋穀梁襄公傳

十四

稽古樓

冬城防

十有四年春王正月季孫宿叔老會晉士匄

齊人宋人衛人鄭公孫蠆曹人莒人邾人滕

人薛人杞人小邾人會吳于向

二月乙未朔日有食之

夏四月叔孫豹會晉荀偃齊人宋人衛北宮

括鄭公孫蠆曹人莒人邾人滕人薛人杞人

小邾人伐秦

己未衛侯出奔齊公羊侯下  
有衍字

莒人侵我東鄙

秋楚公子貞帥師伐吳

冬季孫宿會晉士匄宋華閱衛孫林父鄭公

孫鼂莒人邾人于戚

十有五年春宋公使向戌來聘二月己亥及

向戌盟于劉

劉夏逆王后于齊傳過我故志之也

春秋

穀梁襄公

十五

稽古樓

夏齊侯伐我北鄙圍成公救成至遇

季孫宿叔孫豹帥師城成郭

秋八月丁巳日有食之

邾人伐我南鄙

冬十有一月癸亥晉侯周卒

十有六年春王正月葬晉悼公

三月公會晉侯宋公衛侯鄭伯曹伯莒子邾

子薛伯杞伯小邾子于澠梁戊寅大夫盟傳

溟梁之會諸侯失正矣諸侯會而曰大夫盟正在大夫也諸侯在而不曰諸侯之大夫大夫不臣也

晉人執莒子邾子以歸

齊侯伐我北鄙

夏公至自會

五月甲子地震

叔老會鄭伯晉荀偃衛甯殖宋人伐許

春秋穀梁襄公

秋齊侯伐我北鄙圍成左作

大雩

冬叔孫豹如晉

十有七年春王二月庚午邾子矰卒左作

宋人伐陳

夏衛石買帥師伐曹

秋齊侯伐我北鄙圍桃齊高厚帥師伐我北

鄙圍防桃公

九月大雩

宋華臣出奔陳

冬邾人伐我南鄙

十有八年春白狄來

夏晉人執衛行人石買傳稱行人怨接於上

也

怨其君而執其使稱行人明使人爾罪在

上也

春秋

穀梁

襄公

七

稽古樓

秋齊侯伐我北鄙

冬十月公會晉侯宋公衛侯鄭伯曹伯莒子

邾子滕子薛伯杞伯小邾子同圍齊傳非圍

而曰圍齊有大焉亦有病焉非大而足同焉

諸侯同罪之也亦病矣

知非圍者據實伐也不以圍致故也齊有

大焉亦有病焉謂經稱同圍之意齊雖有

似大國焉亦有罪惡焉病所罪惡也謂數

伐魯又復國大故稱同圍之耳非大而足  
同覆上齊有人焉諸侯同罪之意也謂齊  
若非大國何須諸侯同罪之也亦病矣謂  
齊是大國諸侯共同罪之必爲大國所讎  
是取禍之道故云亦罪惡矣言諸侯與齊  
同有罪惡也

曹伯負芻卒于師傳聞之也

楚公子午帥師伐鄭

春秋

穀梁傳

襄公

六

稽古樓

十有九年春王正月諸侯盟于祝柯晉人執  
邾子公至自伐齊傳春秋之義已伐而盟復  
伐者則以伐致盟不復伐者則以會致祝柯  
之盟盟復伐齊與曰非也然則何爲以伐致  
也曰與人同事或執其君或取其地柯公作阿

盟復伐齊與者恠不以會致也同與邾圍  
齊而晉執其君魯取其地此與盟後復伐  
無異故以伐齊致也事實在邾不關於齊

而以伐齊致者託事以見意耳

取邾田自瀨水傳軋辭也其不曰惡盟也

軋委曲隨瀨水言取之多也惡盟謂執君

取地

季孫宿如晉

葬曹成公

夏衛孫林父帥師伐齊

秋七月辛卯齊侯環卒環公作環

春秋穀梁襄公

十九

稽古樓

晉士匄帥師侵齊至穀聞齊侯卒乃還傳還

者事未畢之辭也受命而誅生死無所加其

怒不伐喪善之也善之則何為未畢也君不

尸小事臣不專大名善則稱君過則稱己則

民作讓矣士匄外專君命故非之也然則為

士匄者宜奈何宜墮帷而歸命乎介

還者致辭復者反命言乃還不言乃復是

未畢之辭除地為墾於墾張帷反命于介

介歸告君君命乃還不敢專介副使

八月丙辰仲孫蔑卒

齊殺其大夫高厚

鄭殺其大夫公子嘉公羊作喜

冬葬齊靈公

城西郭

叔孫豹會普士甸于柯

城武城

春秋穀梁襄公

二十年春王正月辛亥仲孫速會莒人盟于

向

夏六月庚申公會晉侯齊侯宋公衛侯鄭伯

曹伯莒子邾子滕子薛伯杞伯小邾子盟于

澶淵

秋公至自會

仲孫速帥師伐邾

蔡殺其大夫公子濕蔡公子履出奔楚

陳侯之弟光出奔楚傳諸侯之尊弟兄不得以屬通其弟云者親之也親而奔之惡也左光

氏作黃

顯書弟明其親也親而奔逐之所以惡陳

侯

叔老如齊

冬十月丙辰朔日有食之

季孫宿如宋

春秋

穀梁傳

襄公

三

稽古樓

二十有一年春王正月公如晉

邾庶其以漆閭邱來奔傳以者不以者也來

奔者不言出舉其接我者也漆閭邱不言及

小大敵也

不以者人臣無專祿以邑叛之道

夏公至自晉

秋晉欒盈出奔楚

九月庚戌朔日有食之



冬十月庚辰朔日有食之

曹伯來朝

公會晉侯齊侯宋公衛侯鄭伯曹伯莒子邾子于商任

庚子孔子生

二十有二年春王正月公至自會

夏四月

秋七月辛酉叔老卒

春秋

穀梁襄公傳

主稽古樓

冬公會晉侯齊侯宋公衛侯鄭伯曹伯莒子邾子滕子薛伯杞伯小邾子于沙隨公至自

會

左無滕子二字

楚殺其大夫公子追舒

二十有三年春王二月癸酉朔日有食之

三月己巳杞伯匄卒

夏邾畀我來奔

葬杞孝公

陳殺其大夫慶虎及慶寅傳稱國以殺罪累  
上也及慶寅慶寅累也

陳侯之弟光自楚歸于陳

晉欒盈復入于晉人于曲沃

秋齊侯伐衛遂伐晉

八月叔孫豹帥師救晉次于雍榆傳言救後  
次非救也

惡其不遂君命而專止次故先通君命而

春秋

穀梁

襄公

三

稽古樓

後言次

己卯仲孫速卒

冬十月乙亥臧孫紇出奔邾傳其日正臧孫  
紇之出也蘧伯玉曰不以道事其君者其出  
乎

正正共有罪也其出乎言必不見容

晉人殺欒盈傳惡之弗有也

不言殺其大夫是不有之以爲大夫

齊侯襲莒

二十有四年春叔孫豹如晉

仲孫羯帥師侵齊

夏楚子伐吳

秋七月甲子朔日有食之既

齊崔杼帥師伐莒

大水

八月癸巳朔日有食之

春秋

穀梁傳

襄公

二五

稽古樓

公會晉侯宋公衛侯鄭伯曹伯莒子邾子滕

子薛伯杞伯小邾子于夷儀

冬楚子蔡侯陳侯許男伐鄭

公至自會

陳鍼宜咎出奔楚

叔孫豹如京師

大饑傳五穀不升為大饑一穀不升謂之暵

二穀不升謂之饑三穀不升謂之饉四穀不

升謂之康五穀不升謂之大侵大侵之禮君食不兼味臺榭不塗弛侯廷道不除百官布而不制鬼神禱而不祀此大侵之禮也

升成也兼不足貌康虛也侵傷也弛廢也  
侯射侯也廷道不除廷內道不修除也布而不制官職修列不可闕廢不更有造作也

二十有五年春齊崔杼帥師伐我北鄙

春秋

穀梁

襄公

二五

稽古樓

莊公失言

夏五月乙亥齊崔杼弑其君光傳莊公失言淫于崔氏

失言將淫崔氏爲此見弑

公會晉侯宋公衛侯鄭伯曹伯莒子邾子滕子薛伯杞伯小邾子于夷儀

六月壬子鄭公孫舍之帥師入陳

秋八月己巳諸侯同盟于重邱公至自會

衛侯入于夷儀

楚屈建帥師滅舒鳩

冬鄭公孫夏帥師伐陳

十有二月吳子謁伐楚門于巢卒傳以伐楚

之事門于巢卒也于巢者外乎楚也門于巢

乃伐楚也諸侯不生名取卒之名加之伐楚

之上者見以伐楚卒也其見以伐楚卒何也

古者大國過小邑小邑必飾城而請罪禮也

吳子謁伐楚至巢入其門門人射吳子有矢

春秋穀梁襄公傳 五 稽古樓

創及舍而卒古者雖有文事必有武備非巢

之不飾城而請罪非吳子之自輕也謂左作過

非責也

二十有六年春王二月辛卯衛甯喜弑其君

剽此不正其日何也殖也立之喜也君之

正也

知剽不正者以元年稱公孫故也父立以

為君則子宜君之矣

衛孫林父入于戚以叛

甲午衛侯衍復歸于衛傳曰歸見弑也衍

反日

夏晉侯使荀吳來聘

公會晉人鄭良霄宋人曹人于澶淵

秋宋公殺其世子座左公作座

晉人執衛甯喜

八月壬午許男甯卒于楚

春秋穀梁襄公

毛

稽古樓

冬楚子蔡侯陳侯伐鄭

葬許靈公

二十有七年春齊侯使慶封來聘

夏叔孫豹會晉趙武楚屈建蔡公孫歸生衛

石惡陳孔奐鄭良霄許人曹人于宋與公作瑗

衛殺其大夫甯喜傳稱國以殺罪累上也甯

喜弑君其以累上之辭言之何也嘗為大夫

與之涉公事矣甯喜由君弑君而不以弑君

之罪罪之者惡獻公也

以喜弑君而殺則不宜既入以為大夫為大夫而復殺之明以他故矣獻公即衍也書喜弑其君則喜之罪不嫌不明今若不言喜之無罪而死則獻之惡不彰也

衛侯之弟專出奔齊傳專喜之徒也專之為喜之徒何也已雖急納其兄與人之臣謀弑其君是亦弑君者也專其曰弟何也專有是春秋穀梁喪公天稽古樓

信者君賂不入乎喜而殺喜是君不直乎喜也故出奔晉織絢邯鄲終身不言衛專之去合乎春秋專左公作傳

獻公本使專與喜為約納君許以寵賂今反殺之獻公使專失信故稱弟見獻之惡也絢者著履舄之頭

秋七月辛巳豹及諸侯之大夫盟于宋傳梁之會諸侯在而不曰諸侯之大夫大夫不

臣也晉趙武恥之豹云者恭也諸侯不在而  
曰諸侯之大夫大夫臣也其臣恭也晉趙武  
爲之會也

豹云謂不舉姓氏趙武恥梁之會大夫  
不臣合帥諸侯大夫爲恭故歸功趙武

冬十有二月乙亥朔日有食之

二十有八年春無冰

夏衛石惡出奔晉

春秋

穀梁

襄公

五年

五

稽古樓

邾子來朝

秋八月大雩

仲孫羯如晉

冬齊慶封來奔

十有一月公如楚

十有二月甲寅天王崩

乙未楚子昭卒

二十有九年春王正月公在楚得閔公也



公爲楚所制故存錄

夏五月公至自楚傳喜之也致君者殆其往而喜其反此致君之意義也

殆危也

庚申衛侯衎卒

闕弑吳子餘祭傳闕門者也寺人也不稱名姓闕不得齊於人不稱其君闕不得君其君也禮君不使無恥不近刑人不狎敵不邇怨

春秋

穀梁

襄公

三十

稽古樓

三

稽古樓

三

稽古樓

三

稽古樓

賤人非所貴也貴人非所刑也刑人非所近也舉至賤而加之吳子吳子近刑人也闕弑吳子餘祭仇之也

怨仇餘祭故弑之

仲孫羯會晉荀盈齊高止宋華定衛世叔儀鄭公孫段曹人邠人滕人薛人小邾人城杞傳古者天子封諸侯其地足以容其民其民足以滿城以自守也杞危而不能自守

故諸侯之大夫相帥以城之此變之正也儀公

作齊左氏無和入二字

諸侯恤災救危正也諸侯微弱政由大夫

大夫能同恤災危故曰變之正

晉侯使士鞅來聘

杞子來盟

吳子使札來聘傳吳其稱子何也善使延陵

季子故進之也身賢賢也使賢亦賢也延陵

春秋穀梁襄公三稽古樓

季子之賢尊君也其名成尊於上也

春秋賢者不名而札名者唯成吳之尊稱

也直稱吳則不得有大夫矣成尊謂進吳

稱子上君上也

秋七月葬衛獻公

齊高止出奔北燕傳其曰北燕從史文也

南燕姬姓在鄭衛之間北燕姬姓在晉之

北時有直言燕者故仲尼從史文也

冬仲孫羯如晉

三十年春王正月楚子使遠罷來聘

罷公作頗

夏四月蔡世子般弑其君固

**傳**

其不曰子奪

父政是謂夷之

夷狄君卒皆不日比之夷狄也

五月甲午宋災伯姬卒

**傳**

取卒之日加之災

上者見以災卒也其見以災卒奈何伯姬之舍失火左右曰夫人少辟火乎伯姬曰婦人

春秋

穀梁

襄公

五

稽古樓

之義傅母不在宵不下堂左右又曰夫人少

辟火乎伯姬曰婦人之義保母不在宵不下

堂遂逮乎火而死婦人以貞為行者也伯姬

之婦道盡矣詳其事賢伯姬也

左氏伯姬上有宋字

天王殺其弟佞夫

**傳**

曰諸侯且不首惡況

於天子乎君無忍親之義天子諸侯所親者

唯長子母弟耳天王殺其弟佞夫甚之也

王子瑕奔晉

秋七月叔弓如宋葬共姬傳外夫人不書葬此其言葬何也吾女也卒災故隱而葬之也鄭良霄出奔許自許入于鄭鄭人殺良霄傳不言大夫惡之也

冬十月葬蔡景公傳不日卒而月葬不葬者也卒而葬之不忍使父失民於子也

夫葬者臣子之事也景公無子不可謂無民若不書葬則嫌亦失民故曰不忍使父

春秋

穀梁

襄公

三十

稽古樓

失民於子

晉人齊人宋人衛人鄭人曹人莒人邾人滕人薛人杞人小邾人會于澶淵宋災故傳會不言其所爲其曰宋災故何也不言災故則無以見其善也其曰人何也救災以眾何救焉更宋之所喪財也澶淵之會中國不侵伐夷狄夷狄不入中國無侵伐八年善之也晉趙武楚屈建之力也

更償也

三十有一年春王正月

夏六月辛巳公薨于楚宮傳楚宮非正也

秋九月癸巳子野卒傳子卒日正也

己亥仲孫羯卒

冬十月滕子來會葬

癸酉葬我君襄公

十有一月莒人弑其君密州

春秋

穀梁

襄公

言

稽古樓

春秋穀梁傳襄公終

